

玄覽堂叢書續集

第一〇四冊

0528523

9(5)(08)

0079



國立臺灣大學圖書館典藏  
由國家圖書館數位化

嘉隆新例附萬曆

吏例

嘉靖元年十月吏部題奉

528523

民國37.2.7



欽依各該巡撫巡按各將所屬地方所有

王府文職官員除典儀典膳奉祀教授等官照舊  
不考外其長史審理紀善俱有輔導王德綜理  
府事之責中間若有撥置妄為及貪汙不謹不  
能鈐束府中官屬旗校人等致其生事害人者  
許於考察京官之年務要詢訪得出開具實跡  
奏請黜退選補

嘉靖二年九月吏部題奉

欽依各有土官去處凡遇應襲土舍或係父祖過惡  
或身自違犯者省令赴官歸結照依土俗量與  
寬處勘給之後即便起送布政司或令親自赴  
京襲替如先年故事或令其納穀代為

奏請如近年所行若土舍恃其土性遇有過犯不  
行出官延至十年上下者紀過奏降一級十五  
年上下者奏請革職另推土夷信服宗支土  
舍襲替如係朋克濟惡宗支另設流官管理

嘉靖三年九月十四日吏部題奉

欽依赴任過限官員提問如律科罪違限半年之上  
者不許准信患帖照例起送赴部調用一年之

上章職為民考滿公差復任違限通照例行

本部新題

准重定水程例限

北直隸

順天府水程二日

隆慶州水程四日

保安州水程五日

保定府水程五日

河間府水程七日

真定府水程九日

永平府水程九日

順德府水程十五日

廣平府水程十六日

大名府水程二十日

以上水程外限二箇月

南直隸

徐州原水程三十七日今改擬二十七日

淮安府水程三十日

鳳陽府原水程三十日今改擬三十五日

廬州府水程三十五日 和州水程三十六日

滁州水程三十六日 揚州府水程三十九日

應天府水程四十日 鎮江府水程四十日

太平府水程四十三日 常州府水程四十五日

寧國府水程四十五日 池州府水程四十六日

廣德州水程四十六日 蘇州府水程四十九日

安慶府水程五十一日 松江府水程五十二日

徽州府水程五十六日

以上水程外限二箇月

山西布政司

遼州水程十七日

大同府水程十七日

太原府水程二十日

汾州原水程三十日今改擬二十三日

潞安府水程二十五日沁州水程二十八日

澤州原水程二十四日今改擬二十八日

平陽府水程三十二日

山東布政司

東昌府水程十八日

濟南府水程二十日

青州府水程二十日

兗州府水程二十五日

萊州府水程二十六日

登州府水程二十八日

以上水程外限二箇月

河南布政司

彰德府原水程三十二日今改擬二十六日

衛輝府原水程三十五日今改擬二十九日

開封府水程三十日 汝州水程三十二日

懷慶府原水程三十日今改擬三十二日

河南府水程三十三日

南陽府原水程三十二日今改擬三十七日

汝寧府原水程三十二日今改擬三十九日

以上水程外限二箇月

陝西布政司



西安府水程四十二日 鳳翔府水程四十五日

慶陽府水程五十日

延安府原水程四十日今改擬五十二日

平涼府水程五十二日 鞏昌府水程五十五日

以上水程外限二箇月

臨洮府水程六十一日 漢中府水程六十二日

以上水程外限二箇月寬一十日

浙江布政司

嘉興府水程五十日 杭州府水程五十二日

湖州府水程五十二日 紹興府水程五十六日

嚴州府水程五十八日

以上水程外限二箇月

寧波府水程六十一日 金華府水程六十四日

衢州府水程六十七日

台州府原水程七十一日今改擬六十八日

處州府水程七十日 温州府水程七十七日

以上水程外限二箇月寬一十日

江西布政司

南康府水程五十一日 九江府水程五十五日

以上水程外限二箇月

南昌府水程六十日 饒州府水程六十一日

瑞州府水程六十四日 臨江府水程六十五日

廣信府原水程七十五日今改擬七十一日

吉安府水程七十一日撫州府水程七十三日

建昌府水程七十五日袁州府水程七十九日

以上水程外限二箇月寬一十日

贛州府水程八十二日南安府水程九十日

以上水程外限二箇月寬二十日

湖廣布政司

黃州府水程五十日

襄陽府原水程九十日今改擬五十日

德安府原水程七十二日今改擬五十二日

承天府原水程八十三日今改擬五十二日

鄖陽府原水程九十三日今改擬五十二日

武昌府水程五十四日

漢陽府原水程六十五日今改擬五十六日

以上水程外限二箇月

沔陽州水程七十日 岳州府水程七十一日

荊州府原水程八十日今改擬七十一日

以上水程外限二箇月寬一十日

常德府水程八十二日 長沙府水程八十日

辰州府原水程九十日今改擬八十三日

寶慶府原水程九十五日今改擬八十三日

衡州府水程九十日

漳州原水程一百程今改擬九十日

永州府原水程八十七日今改擬九十二日

靖州原水程一百二日今改擬九十五日

以上水程外限二箇月寬二十日

福建布政司

建寧府水程七十三日 延平府水程七十五日

邵武府水程七十八日

以上水程外限二箇月寬一十日

福州府水程八十五日 汀州府水程八十五日

興化府水程八十五日 泉州府水程九十日

漳州府水程九十四日

以上水程外限二箇月寬二十日

四川布政司

保寧府原水程一百日今改擬七十日

夔州府原水程一百日今改擬七十五日

成都府原水程一百四十五日今改擬七十五日

以上水程外限二箇月寬一十日

重慶府原水程一百二十五日今改擬八十日

順慶府原水程一百一十八日今改擬八十日

潼川州原水程一百六日今改擬八十日

眉州原水程一百三十日今改擬八十日

瀘州原水程一百二十三日今改擬八十二日

惠州原水程一百三十五日今改擬八十五日

叙州府原水程一百二十日今改擬八十五日

邛州原水程一百三十五日今改擬八十五日

馬湖府原水程一百日今改擬八十五日

雅州原水程一百三十二日今改擬八十五日

以上水程外限二箇月寬二十日

### 廣東布政司

南雄府原水程一百日今改擬九十五日

以上水程外限二箇月寬二十日

韶州府水程一百日

肇慶府水程一百一十三日

廣州府水程一百一十三日

高州府原水程一百三十七日今改擬一百二十日

潮州府原水程一百四十九日今改擬一百二十日

惠州府水程一百二十二日

瓊州府水程一百三十三日

廉州府水程一百三十六日

雷州府水程一百三十七日

以上水程外限二箇月寬一箇月

廣西布政司

桂林府原水程一百一十四日今改擬一百日

平樂府原水程一百二十二日今改擬一百一十日



潯州府水程一百二十六日

柳州府水程一百二十七日

慶遠府水程一百三十日

潯州府水程一百三十八日

田州府水程一百三十九日

龍州水程一百三十九日

泗城州水程一百四十四日

南寧府水程一百四十七日

太平府水程一百五十九日

思明府水程一百六十日

以上水程外限二箇月寬一箇月

雲南布政司

曲靖軍民府水程一百一十六日

雲南府水程一百二十日

澂江府水程一百二十四日

姚安軍民府原水程一百三十日今改擬一

百二十五日

廣西府水程一百二十六日

臨安府水程一百二十六日

楚雄府水程一百二十七日

蒙化府水程一百二十八日

廣南府水程一百三十四日

大理府水程一百三十四日

鶴慶府水程一百三十八日

景東府原水程一百三十七日今改擬一百

四十日

以上水程外限二箇月寬一箇月

貴州布政司

黎平府水程一百三日

思南府水程一百一十二日

銅仁府水程一百一十三日

石阡府水程一百一十三日

思州府水程一百一十六日

鎮遠府水程一百一十八日

貴州宣慰使司水程一百三十五日

以上水程外限二箇月寬一箇月

嘉靖四年閏十二月都察院題奉

聖旨是各處兵備撫民等官皆有地方責任今後不許越境送迎參謁有妨職務違者聽撫按官叅劾  
嘉靖七年正月吏部題奉

聖旨吏役頂頭銀兩積弊有年屢經禁奏未見革除這所言之是便依擬嚴加禁約今後有犯的舊吏送問黜退為民新吏依聽出錢一體革役其本管掌印官容情故縱緝訪得出或被入告發就作罷

軟黥退在外衙門通行撫按等官照例禁治俱勿姑息

嘉靖七年八月吏部題奉

欽依各處巡撫巡按衙門嚴加禁約司府州縣遇有事務不得差委州縣正官致悞本等職業

嘉靖八年吏部題奉

聖旨御史但養病三年以上的都革了職着冠帶閑住以後養病官員照這例行其餘依擬催取前來供職違限的指名叅究來說又奉

聖旨這各該養病官員多有托故在家營私你部裡既查年月明白都着照前旨行其間果有真病竟

成廢疾的着有司查明奏來與致仕如有在家竝無過犯其行義可為鄉里所重的撫按官訪查奏保你部裏還再加體訪量為錄用不許徇私一槩濫舉訪聞罪坐舉主鄭慶雲還查他丁憂前在家養病年月明白來說李坦既在三年內起文着復職駱士弘等三員既未經受職難同各官依擬行

嘉靖九年四月吏部題奉

聖旨這補廕恩例太濫但該曾受廕病故的不許再補著為定例

嘉靖十一年二月吏部題奉

欽依通行各處巡撫巡按今後司府州縣官歷任三

年之上果有卓異政績方許奏保旌異不次擢  
用聽舉之人後犯貪酷罪名連坐舉主未及三  
年者不許旌舉巡按都御史每年終巡按御史  
滿各照例將各官賢否實跡逐一註寫明白開  
造揭帖送本部并都察院查照考察其在外六  
品以下官員遇有違犯就便提問依律治罪不  
必論劾煩瀆 聖聽

嘉靖十一年二月吏部題奉

欽依今後京官丁憂不分南北亦不分堂上屬官俱  
一例各於北京南京關領勘合公差官員聞喪  
俱要赴京復

命事畢關領勘合照回守制在家養病省親丁憂等  
官俱不必關領勘合南京官員公差丁憂造冊  
具本差人奏繳仍於南京吏部關領勘合照回  
守制

嘉靖十一年十一月都察院題奉

聖旨是這撫按官職掌并相接禮文你每既議處停  
當都依其着永遠遵守不許侵越紛更

議處職掌一十一條

一巡撫都御史係撫安地方之官如徭役之編審  
里甲之出辦糧料之徵派官錢之出入驛傳之  
處給廩祿之興廢與夫大戶糧長民壯快手之



僉點城池堡隘兵馬軍餉之督調凡關地方之事俱聽巡撫處置都布按三司將處置緣由仍呈巡按知會巡按御史按臨之處其已行之事查考得失糾正奸弊使民安政舉地方有賴不必另出已見多立法例蓋巡按御史職在監察利弊一年一更與地方久任之官自是不同縱立有良法後來接替者未必踵行徒使政體紛更人無定守其有大利弊當興革者奉行部院議擬上請俾所司永為遵守

一巡按御史糾察一方之利弊凡可以肅僚貞度者莫非其責至若文科之賓興武舉之掄材處

決重辟審錄寃刑吏農之叅撥功賞之紀驗則  
又御史之所獨專者巡撫官不得干預巡撫所  
更歷之處止可督責有司明刑恤獄初無審錄  
矜疑之舉其操江巡視理鹽都御史并巡關巡  
鹽巡江巡茶馬及清軍御史不論囚犯大小俱  
不許審錄亦不許有司送審以乖政體至於五  
年審錄徃徃巡按與

欽差部寺官爭論相悖今後若所見不同許各奏

請施行部寺官須遵照刑部題 准及欽奉

勅諭內事理止可將見監罪囚有寃抑者具奏審錄  
其餘徒流笞杖只應減等釋放亦不得將巡按

等衙門問結重情一槩准詞辯理以起事端  
一舊規各府州縣等衙門有死罪招由如係自問  
及奉撫按批行者俱申呈撫按照詳仍監候會  
審如奉巡撫及中差御史并布按二司及守巡  
等道批行者止申原奉衙門照詳俱候巡按會  
審近年但係死刑無分兩司各道并府州縣等  
衙門通行申呈巡撫巡按定奪夫巡按御史係  
提綱挈領申冤理枉之官一應在監囚犯俱聽  
審錄施行今既欲照詳於先又復會審於後不  
惟重為煩復抑亦多勞自弊及至會審未免涉  
於有我拘泥前案重於改從以後死刑凡兩司

各道自行批行者不必呈詳撫按止候會審其  
奉撫按批者照舊呈詳都司衛所與府州縣事  
體同

查得問刑條例凡有充軍係巡撫有行者巡撫  
定衛巡按有行者巡按定衛其所屬自問者有  
巡撫處申呈巡撫無巡撫處巡按定發遵行已  
久但開載欠詳以致彼此互異者尚多今後各  
衙門凡奉到撫按及公差都御史御史一應批  
詞牌案內有充軍徒流及口外為民者如一事  
而彼此相干定發以原行衙門在先者為主若  
事起於所司通行申呈合干上司者俱候巡撫

定發無巡撫處巡按定發所司須將各奉到先  
後緣由及通行中呈字語開具明白以俟批答  
中間有應該駁行者仍各據理而行有奉奏行  
及奉 欽依者其詳先定發俱歸於

欽奉衙門

一撫按遇有地方大事及批定守巡等道并進  
表等項公差官員舊規俱是會行其區處目前常  
事與批委府州縣等官署掌印信亦皆會同而  
行但彼此偶值出巡相隔寫遠若待回到不無  
悞事所有兩處批行徃徃互異難以遵守今後  
如常行事務委署印信止以文書先到者為主

奉行官吏不必觀望兩請

一奏報災傷係巡撫之事巡按御史止是覈實近  
來有司或有不申撫按或巡撫不候巡按覈勘  
各徑自具奏戶部未免仍行巡按覈報以致徃  
復過期有司慮恐失時先行設法徵收無知小  
民多被糧里乘機全徵後雖遇免不霑實惠今  
後災傷之年撫按官先督行各府州縣及早申  
報巡按即行委官分投覈定分數行所司造報  
庶事體歸一不致徃復耽誤致有增減分數及  
仍前驀越具奏應叅奏者聽撫按官叅奏應提  
問者就便提問

一賑濟饑民近來各處公私匱乏巡撫官一遇災傷之年束手無策有等有司不諳事體本無甚大饑荒過為申擾要得先時博施甚者且欲賑及師生與致仕官吏以市私恩曾不計錢糧出於何處即使那移勸借倒廩傾囊以副之萬一明年復饑或有甚於今年及地方卒起變故將何應用今後賑濟之事須專責其巡撫會同司府州縣等官備查倉廩盈縮酌量災傷重輕應時樽節給散巡按毋得輕聽前項好事有司輒與准行如賑濟失策聽巡按糾舉

一考選軍政係撫按職掌中間或有係關邊關班

操者中差御史不得指職業干預其軍政所定  
官員俱經題奉

欽依中差御史有事止可暫委或行帶管不許更改  
取用其空閑在衛者不拘

一公差都御史御史職務各奉右日專

勅一應興革區處事宜撫按官毋得干預其舉劾賢  
否准受詞狀須與本等職務相關方可不得泛  
濫侵越其更調地方官員俱臨心撫按區處

一提學御史進退人才奉有專

勅撫按官毋得干預其師生廩饌及

脩理學校等項

提學御史止是督行有司轉申

撫按施行不得



行文擅支那移倉庫錢糧

一巡按御史不許同巡撫報捷如無巡撫聽總兵領兵官奏報巡按止是紀驗功次以明賞罰其浙江福建舊無巡撫與有巡撫而偶缺者一應事務俱巡按處置如撫按官一時俱缺聽中差總理

嘉靖十四年吏部題

准今後撫按官薦舉所屬應合旌異官員務要遵照正統年間事例將本人任內卓異政績明白開奏不許浮泛濫及通候各官考滿到部察訪相同即與查取親供結狀比照京官事體按月類

題給與應得

誥初免其再行覈實

嘉靖十五年十一月吏部題

准今後在外大小官員當三年六年俱要依限赴部  
給由中間果有兵革災傷地方重寄方許撫按  
官會議奏保事寧之日即便依例起送赴部考  
覈不許拘留

吏部通行照得舊行事例在外大小有司官員三  
年六年應該赴部給由雖有專責差占三年六  
年亦要給由一次果遇凶厄及地方不時之警  
許撫按官合詞奏留近年以來每遇給由之期

除方面官及進士出身者上司類多循情不問  
有無未了事件俱為開豁聽其依期起送其餘  
或地方小事或尋常差遣或拘前重後輕前輕  
後重非法事例即都不為奏

請開豁擅自扣留以致各官雖歷年勞本部以未經  
考滿無憑遷轉及至九年到部輒以三年六年  
不曾給由送問降級淹延抑鬱情何以堪今後  
各府州縣等官遇三年六年給由文書到日該  
管上司查理錢糧明白不許輒因地方小事尋  
當差遣及拘前重後輕前輕後重事例故違留  
難如遇凶荒及地方不時之警即要預先奏

聞開豁方許留任各該衙門每年俱以起送存留官員明白開報前來俱許前後歷過月日通理補考如有無故留難及有故不行開坐奏行本部備照者本部叅奏劾其留難之罪

嘉靖十九年六月吏部題

准監生在監在歷私逃回籍三月之外者發回原學肄業半年之上革退為民

嘉靖二十年十月吏部題奉

欽依凡遇聽選官員到部查照先年繫籍年數扣算及今幾何果係減年脩容篤疾衰頽者揀擇題請授以應得散官仍通行各該撫按官如遇見任有

司官員老疾不堪任使及怠政殃民者嚴加叅劾本部照例議黜

一就教生員揀取年力精壯者許授教職其中有老耄篤疾者查照近奉

詔書內事例授以散官以榮終身凡係考察才力不及并科罰降級官員不許改教以玷士風

一各王府長史等官有缺聽憑本部揀選相應人員題

請陞補如有仍前請保者許撫按官查照考察事例將所保之人坐以不謹罷黜

嘉靖二十一年四月都察院題

准今後各該御史除憲綱考語要緊文冊照舊造  
繳外其餘一切不堪實用文冊通行查革

嘉靖

年

月吏部等衙門會題奉

聖旨卿等既會議停當外戚封爵古未有我

皇祖亦未有

制典魏定二國公雖為戚里實開國

佐命靖難元勲難泯其功彭城惠安二伯亦有

軍功居半都着照舊承襲其餘皆以戚里濫膺

重爵名器既輕人不知勸見任的都當查革但

其中有干

先朝恩命及已封者姑與終身子孫不許承襲

嘉靖

年

月吏部等衙門題

准布按二司守巡官每至二月出巡五月回七月出  
巡十一月回司所至地方問民疾苦稽查奸弊  
查訪官吏問理詞訟辯明冤抑催徵錢糧督捕  
盜賊脩濬城池操練兵馬審編均徭存恤孤老  
百凡政務一一舉行雖偏州僻縣各要徧歷如  
無故回司一二次者提吏怠忽誤事者指名叅  
劾

嘉靖

年

月吏部申明舊例題奉

欽依來朝官員回任將各官原來批文查照水程定  
與限期但有過違原限一月之上者問罪兩月  
之上者送部別用三月之上者罷職不敘監司

容隱不舉者同罪

隆慶二年二月吏部題

准陞除州縣正官赴任過違憑限者聽巡按御史照  
依朝

覲回任事例一月之上問罪兩月之上送部別用三  
月之上罷職不敘監司不舉者同罪

隆慶二年五月吏部題

准守巡等官遵照 憲綱於分轄州縣無論遠近衝

僻俱要不時巡歷一應興革着實舉行年終仍  
將各有司賢否報撫按送部院考察如不巡歷  
者撫按官叅奏重治降黜



隆慶二年六月吏部題

准今後犯贓官員如果贓真跡著衆證明白必須盡數追併入官然後發遣發落如有不完仍行原籍變產陪補歲終撫按官將追過贓數奏報查考

隆慶三年二月吏部題

准各王府官員與京官一同考察撫按官將長史審理紀善護衛首領典簿典膳奉祀典寶典儀工正教授郡王教授郡王典膳等官今次一體查覈若有老疾不謹及占缺年深者具

奏黜退

隆慶四年三月吏部題

准今後兵備官俸深稱職者許薦如俸僅一二年者不得奏薦否者叅論罷斥其知府有功與兵備併論失事亦許併叅

隆慶四年四月吏部題

准行巡按以後不拘進表陞遷除授各官違限一體照例叅究雖有患帖亦不准理其違限自行具奏者本部叅奏處治

隆慶四年六月吏部題

准各邊有司以三年為率比內地之官加等陞遷有能捍禦敵特著奇績者以軍功論不次擢用

如其才畧恢弘可當大任即由此為兵備為巡撫為總督無不可者惟以治効為準不論出身資格若用之不効無益地方者降三級別用若觀望推委誤事者輕則罷黜重則以軍法治罪薊遼則昌平順義密雲懷柔薊州玉田豐潤遵化平谷遷安撫寧昌黎樂亭延慶永寧保安自在安樂等州縣山西則河曲臨縣忻州崞縣代州五臺繁峙定襄永寧寧鄉岢嵐嵐縣興縣靜樂保德大同懷仁渾源應州山陰朔州馬邑蔚州廣靈廣昌靈丘等州縣陝西則固原靜寧隆德安定會寧蘭州環縣安塞安定保安清澗綏

德米脂葭州吳堡神木府谷等州縣六十一處  
乃是邊方其蒞遼山陝所屬不得槩以稱邊其  
各府佐貳在邊任事者賞罰亦同前議

隆慶四年六月吏部題

准舉劾章疏硃語之下不必鋪叙繁文只稱某差已  
滿例當舉劾訪得某某賢能有何政績所宜薦  
揚某某不職當黜或老疾不及當致仕降調有  
何證狀所當糾劾如此而止總督撫按一體永  
遠遵行

隆慶四年七月吏部題

准申明京官養病及期赴部方准叙用若到部在三

年之外雖稱三年之內給文仍照違限罷職不  
敘其三年赴部又稱中途患病者照有疾致仕  
隆慶四年七月都察院題

准撫抄行司府等官於所屬有司嚴禁廉訪如有貪  
縱害民者司府即報撫按再訪的確應拏問者  
拏問應叅 奏者叅奏如入已之贓務行照數  
追出解助邊餉犯該監盜枉法等項仍照律例  
問遣不許憐其甲第新識及陞任丁憂開豁被  
劾之始即行羈縻毋令潛逃既逃之後即奏行  
原籍按院追究若贓應追也雖變其田產而無  
恤人雖病亡也仍併其子孫而莫縱

隆慶四年八月吏部題

准撫按糾劾官員具本之日即革任聽處候

命下題覆其所去者照依考察事例不得復用其所  
留者待文書到日管事

隆慶四年十一月吏部題

准府首領與州縣佐貳官有才能卓異可備任使者  
不拘出身資格一體薦揚超擢

隆慶四年十二月吏部題奉

聖旨依議行

一各邊守巡有司等官查有累歷邊方者陸續內  
轉其才猷堪當大任者許撫按官具奏查其俸

資請加服色俸級及後政績久著則破舊格不次擢用

一撫按今後不拘歲貢納粟吏員但年壯才卓堪為一方保障者訪實具奏超擢

一有司守令等官有治行卓異有益一方者許撫按奏薦久任止加服色俸級不得仍前進秩

一知州知縣務令在任三年不必互相更調其緊要地方不可久缺及才堪衝繁者許撫按具奏酌議

隆慶五年三月禮部題

唯今後除王親同祖親枝妃與儀賓郡縣主未故

者照例應禁外其不係同祖與夫人以下之親  
及係同祖而妃與儀賓郡縣主已故者陞除京  
職再照女為夫人以下之親遵例不禁則男為  
郡縣鄉君儀賓亦將軍以下之親親屬相同蒙  
禁未均合無今後郡縣鄉君儀賓之親亦一體  
陞除京職庶均平歸一

隆慶五年三月吏部題

惟以後撫按官逐年量薦卓異數員以備

大計之後題 請宴賜如狗私濫舉聽部院該科叅

治仍著為 令甲永遠遵守

隆慶六年正月吏部題



准京官陞授外職告病乞休者不許起用若有規避  
希借京官名色等情卽降級改用抗違不就者  
除名開住各撫按官凡外官稱疾告休必查訪  
事情迫切代題其病痊官員務查居官善狀居  
鄉謹飭及病痊情由具奏如濫舉者聽部科叅  
處

隆慶六年四月吏部題

准叛賊僭稱王號流毒地方非區區草竊可比先任  
巡撫既不剷除又不奏聞姑降俸級行各撫  
按以後地方有事若隱避不處及至四發雖已  
有人蕩除仍追查以前當事之臣重加究黜永

為定例

隆慶六年十一月戶部題

准沿邊倉場官攢如一年已滿將任內經手錢糧呈  
撫按委官查盤明白交與接管官攢守支即與  
起送如有侵虧追賠擬罪

萬曆元年正月戶部題

准京通二倉官攢行京通二座糧廳照例將應放年  
分厥口支剩者查數造冊送下糧廳并漂流米  
石不候挨陳附載冊後順序早放該厥支盡即  
日住糧起送如零數坐支不盡千石上下盤併  
別厥湊放一體起送若延捱期過一年以後者

叅問革職革役干礙各廳人役一例問究其各  
邊倉場行各撫按凡官攢一年滿日照依陝西  
事例一體呈盤起送

萬曆元年九月吏部題

准內外臣工有不奉法脩職者一經科道指實叅論  
即當引咎自省如有妄辯瀆擾者本部從重議  
擬譴譴斥

萬曆元年十二月吏部等衙門題

准今後考察凡三年之內方面陞京堂者聽南京科  
道論劾外省撫按不得一槩叅論

萬曆二年二月吏部題

准調繁官員前後歷俸扣該一年之上有賢能者一體保舉及令布按二司等衙門於所屬之官有加銜者俱照加銜禮待如責人苛禮者聽撫按叅治

萬曆二年三月吏部題

准撫按將加納典樂查歷俸十年以上年老不堪及行止有礙者照年老不謹例致仕閑住其十年以下年力精壯無過者仍許供職及原由樂舞生出身者查歷任二十年之上亦照老疾例致仕各奏請定奪以後典樂照京官五年考察歷考俱優行令久任考劣者徑自罷黜永為定

例

萬曆二年四月吏部等衙門題

准今後該貢之年有司官將應貢廩生查節年考案  
屢在一等二等科舉者仍查其年歲在六十以  
下三十以上方准起送正貢一人陪貢五人送  
提學官考擇不拘正陪惟擇最優者貢之若隱  
年減多作少增少作多聽監學廩生舉首黜退  
其年力衰邁不堪起送者授以儒官提學官每  
歲周考一遍其年衰詞荒者不拘廩增附生徑  
自黜退其停廩降廩者必考一等二等然後收  
復未收復者不許考貢如提學官濫行起貢查

照近題考退一處五名事例叅奏降用奉

聖旨國家取士貴得實用這所議歲貢事理都依擬  
着實行提學官職專造士責任甚重近年各官不  
以秉公端範精勤考校為務專事空談計日行轉  
又徇情姑息借譽士口以致習尚浮薄學術空疎  
授之以政全無實效殊失朝廷育才待用之意今  
後提學官缺你部裏會同禮部務選年力精壯學  
術著聞的久任責成若未經歲考科舉事完的不  
許輒便陞轉其才力不相應及闕茸不稱的即便  
調處罷黜巡按御史亦毋得侵伊職掌行事有不  
如令的都着該科叅奏處治

萬曆二年五月吏部題

准各 王府長史審理紀善等官各巡按查訪賢否  
不拘六年事例比照有司一體舉劾本部查覆  
應罷斥者罷斥應加服俸者量加服俸應遞陞  
本府員缺者仍與遞陞其長史有俸深勞久查  
果輔導有功不拘科目出身各照原議年資薦  
加從三品服俸

萬曆二年十月吏部題議監生無論守選年歲淺  
深但係年老有疾難以任勞情願遞授者許呈  
該縣勘結明白申請巡按年終類題貢粟遞授  
官員奉

聖旨是今例年老有疾官員見任的也該致仕豈可  
入選今後不拘舉人監生出身但審係年力已衰  
又有廢疾的都量授一職回籍榮身不准收選其  
起復聽調等項有老疾的都着照例致仕不許補  
用

萬曆二年十一月吏部題

准巡按御史將勘合取及各行省祭官按臨考察官  
吏之時令各官執引赴院揀選年力精壯令其  
起送其有目盲足跛年老疴羸不堪者行各州  
縣給帖閑住免其雜差原給文引收候復

命之日造冊一併查考



萬曆三年五月吏部題

准今後赴任遠限方面佐貳大小官員俱照弘治十五年嘉靖三年題 准事例違限半年以上者送部別用一年以上者革職為民半年以下者止照律例問罪發落五品以上照舊奏奪六品以下官應該提問起送革職者徑自照例施行不必續奏

萬曆三年五月吏部題

准陝西邊方兵備兵糧守巡官員陞遷仍候新官交代方許離任撫按官查憑限果違即將離任日期扣算原憑限行移彼省撫按查豁至於丁憂

降調官員亦將經管事務造冊呈委隣道交明  
不許擅自離任今後山陝薊遼宣大等邊兵備  
等官各遵前例交代給文開豁

萬曆四年四月吏部題

准以後各邊僉都副都及以侍郎都御史尚書出鎮  
總督二六年考滿查果實歷邊俸有安攘奇功  
曾經欽賞其應得恩典照例題

請陞授如帶有別俸通理必須邊俸居三分之二本  
部查其功次具奏至於山陝保定三邊與邊  
俸不及三分之一或地方雖無失事亦無軍功  
者止照常題請復職若未及考滿先以別項

軍功蒙恩相等者不得復議加增俱臨時酌量擬敘邊方兵備三年考滿本部查人品政績卓異者照例陞銜仍舊供職平常無過者照常敘遷至於腹裏方面有司官員稟於地方相宜但許奏留久任待其政成之日照本部題准久任事例六年上下久准優陞政績尤異者超陞京堂各該撫按着審遵行

萬曆四年四月吏部題議外官給由事例奉

聖旨依擬行

一考滿官員前後歷任年月不論多寡俱得通理蓋指起復補任以才調繁因事迴避改任者而

言至於被劾調簡不容通理務令歷三年

一在外三六年考滿官員除方面府佐照舊赴京  
有事地方照舊保留外其府州縣正官免其赴  
京撫按覈實具奏守令考滿俱要合于上司考  
註稱職平常不稱職三等報部其考詞亦要直  
書仍候撫按具奏方准給由

一給由官員俱要於滿後半年之內司府州縣給  
文起送若滿後不計閏扣違年半之上方纔按  
文到部者不論水程有無違限俱駁回係三年  
者候六年再考六年者候九年通考其扣違二  
年之上除駁回外仍將違慢官更行該管衙門

提問

萬曆四年十二月吏部題

准邊方監收同知等官如遇陞遷丁憂降調等項查照邊方兵備等官事例陞任官員務候新官交代明白丁憂等官亦要造冊呈委鄰近府州縣官交明離任本管上司仍給印信公文如違憑限查明一體開察

萬曆四年四月吏部題

准以後各州縣掌印官不論曾否他出但死罪重囚越獄至三名以上者住俸戴罪拏賊六名以上者調用十名以上者降一級十五名以上者罷

其官巡捕官罪同有能限內盡數捕獲者免罪  
守巡各道若係駐劄處所及同時或先後連二  
次失事者聽撫按叅奏重加罰治撫按官有隱  
匿不以實聞者聽部院科道官指名叅究

萬曆五年七月吏部題

准以後迴避官員除巡按照例從方面官迴避外其  
餘內外官員俱從官職卑者具奏迴避

萬曆五年九月吏部題

准推陞官員文憑付公差員役順齎巡按官按日稽  
查但有違限以將員役根究緣由報部備照後  
本官違限被以本查果齎發耽悞酌量題覆其

上司官有將推陞官因賢能令完經手事件即行題知若係錢糧等項不明羈留者一面查勘一面題知其不係重務及干重情者俱速令到任但有稽留憚于具奏致累本官耽悞公事者陞任地方巡按具奏本部查將先任地方上司官從實叅究

萬曆六年二月吏部題

准凡官員罰俸未滿陞遷者不論品級崇卑俱于陞任員下照依應罰月日住支補足本部即於本內聲說明白在內者行本官於太倉扣除陞南京及外任并在外遷轉者明註憑內令於新任

扣除滿日京官開送兩京戶部外官開送撫按各咨報本部知會開銷但有冒支及過期不報者查出叅處

萬曆六年二月吏部等衙門題

准以後撫按隨到地方於方面有司等官查贓跡果有的據遵照

憲綱五品以上一面題叅一面審鞠六品以下徑自拿問完日具奏凡奉

旨提問者務要遵照法例重究如破調從輕者巡撫聽科道官聞風叅劾巡按復

命之日都察院以別賢否處分各項罷官若在原籍



規利害人惡聲著者亦聽撫按糾舉

萬曆六年四月吏部題

准申明邊倉官攢一年將錢糧呈詳撫按委官查明  
交與接管官攢即行起送合將腹裏倉官一體  
施行



戶例

嘉靖二年戶部題

准今後部運官員敢有不行督併大戶完納錢糧掣取通關私自棄批逃回者俱照依官吏避難在外門發為民雖有事故亦不准理

嘉靖三年三月刑部題奉

聖旨是預備倉糧是救荒急務今後囚犯應折徒折工的都著納穀收貯以備賑濟不許別項支銷巡撫官年終造冊繳部以憑查考還通與兩直隸及各布政司都照這例行

嘉靖四年三月戶部查議優免事例題奉

聖旨內官內使戶內照文職戶內優免錦衣衛指揮免七丁千戶五丁鎮撫百戶二丁

嘉靖六年二月十三日欽奉

恩詔州縣書手久慣作弊受賄將稅糧飛走洒派今後許諸人指實首告問發邊衛永遠充軍贓銀儘其財產追入官給主官司縱容不舉作罷軟黜退有贓者以贓論

嘉靖六年二月刑部題奉

欽依鹽徒犯該拒捕者為首之人斬罪豪強聚眾駕使大船張掛旗幟擅用兵仗響器拒捕殺傷人者仍不分首從俱梟首其止是五六人或十人

合夥與販原無兵仗響器遇有追捕奔命拒敵因而傷人至二命者追究為首及下手之人比竊盜拒捕傷人律皆斬其不曾下手傷人者仍為拒捕從論罪二千斤以上充軍或聚眾與販持有兇器拒捕傷人至三命者比強盜不分首從論斬奏請定奪

嘉靖七年七月戶部題奉

欽依運糧把總千百戶等官索要運軍常例銀兩及科索軍士財物十兩以上者降二級四十兩以上者降三級發原衛帶俸差操再不推用至五十兩以上者問發邊衛充軍其跟官書算人等

指稱使用等項料索軍士銀至十兩以上者拏  
問永遠充軍

嘉靖七年十一月戶部等衙門會題奉

欽依運官故違限期寄囤守凍把總指揮糧至三千  
石千戶一千石百戶五百石以上者每一次降  
一級不及數者照常問罪旗甲不服催僭在途  
買賣遷延及軍人恃頑不行僸運不候交代棄  
船逃走者將行糧賞鈔盡追入官仍問罪俱發  
邊衛充軍

嘉靖八年四月戶部題

准投獻地土其投獻與受獻之家一體問發邊衛永

遠充軍事干勲戚先將管莊佃僕及引進家人  
問罪發遣其勲戚大臣照例叅奏定奪

嘉靖八年五月戶部題

准除內府該用布疋徵解本色外其餘行各該布  
政司每絹一疋折銀七錢每綿布一疋折銀三  
錢苧布一疋折銀二錢解收折支官員俸糧及  
賞賜軍士

嘉靖八年六月戶部題

准各衛所掌印管屯等官將該年屯糧遵依

欽定限期查照額坐數目趁時追收依限完納如有  
催督十分通完無欠者照例議呈動支無碍官

銀量行獎勵如延至次年正月終以十分為率  
拖欠一分以上者住俸刻期徵解屯老旗甲孥  
問三月終不完衛所管屯官革去冠帶戴罪徵  
納首領官吏孥問各該掌印官專總其要通計  
所屬拖欠三分以上者亦擬住俸催徵五月終  
仍復不完者衛所掌印官革去冠帶戴罪徵納  
管屯官叅問各降一級都司管屯并按察司管  
屯官通計所屬拖欠三分以上亦擬住俸徵納  
以上住俸不許補支止以事完開支如有冒支  
以盜倉糧論罪

嘉靖八年九月戶部題



准各該鈔關委官主事將經過軍民船隻應納錢鈔  
數目自嘉靖八年十月初一日為始照例每鈔  
一貫折銀三釐每錢七文折銀一分發各附近  
府州縣庫收貯依期解部

嘉靖八年戶部題奉

聖旨這錢法遵用制錢嚴禁私鑄除收積販賣好錢  
不禁外若販賣私鑄低爛破錢的依擬訪拏究治  
體順民情一節若許折錢兼用則奸弊終難禁革  
錢法終難疏通今後街市行使俱要用好錢每七  
十文准銀一錢仍將本朝制錢與舊錢隨便行使  
各處鈔關戶口食鹽門攤商稅等項都要收受舊

好錢及制錢內府該庫不許將私錢破錢混收雜  
以支放督收官鑄若令私鑄地方立場開爐鑄造  
不無愈滋弊端你每還會同工部查累朝未鑄銅  
錢都要補鑄與嘉靖通寶兼行合用錢糧人後收  
買銅料銷毀私錢等項事宜便上緊議處停當來  
說民間若有本朝制錢阻勒不肯行使的緝事衙  
門該管地方拏問枷號示衆都察院還出榜曉諭  
通行遵守

嘉靖九年六月刑部題

准強娶孀婦未成因而致死者問發邊衛充軍

嘉靖十年十一月戶部題奉

聖旨遣積穀事宜不必拘泥舊例只著司府州縣官  
將在官贓罰紙張贖罪租課等項銀兩盡數糶穀  
入倉以備賑濟仍置立文簿著各該巡按御史按  
季稽查年終類造如有侵欺隱匿指稱花費及仍  
多方科害小民以為功績的事發定行從重治罪  
你部裏便通行天下知道

嘉靖十一年五月戶部題奉

欽依今後但遇災傷一面遵照舊例踏勘一面奏報  
毋得延緩失時以致分數不明多滋奸弊自府  
州衛所報到日期為始近不出三箇月遠不出  
五箇月定擬成災幾分明白造冊開寫踏勘官

員星馳賚奏聽本部照例議擬徵免仍先將勘  
定分數應徵應免數目緣由出給告示曉諭小  
民通知以杜侵漁夏災不得過六月終秋災不  
得過九月終若不勘泛報及踏勘不實從重叅  
究過期奏報及延至經年以上者立案不行其  
勘有成災係起運之數例不齣豁者有巡撫處  
行巡撫無巡撫處行布政司通融撥補或派輕  
賚以示寬貸

嘉靖十一年十一月戶部題奉

欽依各處墾田灘地山場湖蕩新生繕只沙洲等項但  
係開墾新增無糧田地或被官豪勢要占種或

被豪民侵隱行委能幹官員逐一清查招撫無業窮民佃種每畝徵銀三分高者照依彼中土俗量為加添定徵租銀租糧各數目造冊奏繳

嘉靖十七年十一月欽奉

詔書各處軍衛所官舍軍餘人等置買民田往往不肯納糧當差不服州縣拘攝致累糧里包賠著撫按衙門并管糧等官明白榜諭今後一體坐派糧差不許抗拒違者原買民田追奪入官

嘉靖十七年正月戶部題

准各處夏稅秋糧通行各該巡撫都御史嚴督所屬司府州縣官員於夏秋收成之時務要照依律

例依期徵收如過限三箇月不完府州縣管糧官住俸半年不完者府州縣掌印官住俸十箇月不完者布政司管糧官住俸一年不完者布政司掌印官住俸仍將府州縣管糧官起送吏部降一級敘用各該撫按官務在著實舉行不得仍視姑息其一應錢糧并坐派厨料等項量其輕重緩急隨糧徵收起解

嘉靖二十二年六月奏

准陝西行茶地方有偽造假茶五百斤以上者本商并轉賣之人俱問發附近充軍原係腹裏衛所者發充邊衛店戶高頓一千斤以上亦照前例

發遣不及前數者問罪照常發落

嘉靖二十年戶部題奉

欽依各邊鎮地方如有空閑地土應給軍民耕種者  
即行查給暫免徵稅候其耕種年久地熟利多  
方量為征稅其開中引鹽備行各邊巡撫都御  
史并本部管糧郎中務要招報殷實真正商人  
派撥緊要城堡倉場上納本色糧料草束不許  
徇私收納折色以圖侵欺花費如有似前違例  
聽從權豪執要人員占窩賣窩等項情弊聽各  
該撫按指實叅奏提問其罪人納贖通行在外  
問刑衙門今後擬一應輕重罪名照舊例除

二分木色紙張外其餘八分并贖罪俱要米穀  
上倉不許折收銀兩以便侵欺花費如違聽各  
該撫按等官嚴加訪禁坐贓論罪

戶部節次題

准每糧米一石收耗三升守支儘日照依守支年分  
遇年減數如一年守支盡絕者每石准除耗一  
升尚餘二升該作正支銷二年守支盡絕者准  
除耗二升尚餘一升該作正支銷如四年五年  
守支盡絕者每石原收耗糧三升俱已減盡照  
例於正糧內開折一升准作耗糧其餘減耗糧  
之外若有虧折果有沓爛陳腐虫蛀并盤折躍



踏灰米等項驗有實跡就行盤量見數據實通行申詳酌量追賠不許朦朧一槩坐以侵欺此外若有侵盜者就便問擬監守自盜照例監追嘉靖二十四年六月戶部查議該刑科給事中胡叔廉題本部覆題奉

欽依各該巡撫都御史巡按御史備行各該大小衙門凡遇審編徭役悉照今定優免事例京官一品免糧三十石人三十丁二品免糧二十四石人二十四丁三品免糧二十石人二十丁四品免糧十六石人十六丁五品免糧十四石人十四丁六品免糧十二石人十二丁七品免糧十

石人十丁八品免糧八石人八丁九品免糧六  
石人六丁內官內使亦如之外官各減一半教  
官監生舉人生員各免糧二石人二丁雜職省  
祭官承差知印吏典各免糧一石人一丁以禮  
致仕者免其十分之七閑住者免其一半其犯  
贓革職者不在優免之例如戶內丁糧不及數  
者止免實在之數又如丁多糧少不許以丁准  
糧丁少糧多不得以糧准丁俱以本官自己丁  
糧照數優免但有分門各戶踈遠房族不得一  
槩混免及巧立女戶詭寄等項情弊撫按官嚴  
行所屬州縣盡行查革若有司不能奉行考

以罷軟不職黜退

嘉靖

年 月 戶部題奉

聖旨是各處稅糧拖欠數多蓋由經手官員不肯依期徵收又不嚴限起解以致倉庫空虛國用不給王府祿糧及官軍月糧亦往往奏稱缺乏今後各府管糧及州縣掌印并管糧官但遇考滿務要查勘一應錢糧俱要徵解完足方許起送到京之日將冊查對有未完未解未到及奏中拖欠的着回任追補不准給由其未經考滿的雖有別項賢能

不許推陞行取又題奉

欽依各官果有別項賢能吏部不待考滿量議推陞

行取者亦聽撫按官照前查勘明白如果拖欠  
責令追補完日方許離任各該司府州縣掇作  
已解等項情弊戶部查出將經該故違起送官  
吏通行叅奏治罪

嘉靖二十六年十一月十五日戶兵刑部等衙門  
會覆巡按陝西監察御史胡 題奉

聖旨准議行

一今後洮州河州西寧等處但有將老弱不堪馬  
匹冒項番名中馬支茶二匹以下者官軍調別  
處極邊衛所帶俸食糧差操民并舍餘人等發  
附近衛分充軍止終本身冒支茶斤俱追入官

警獸通事土民人等通同作弊者枷號一箇月  
發落叅守等官自行冒中二匹以下者俱叅問  
降一級調邊衛帶俸差操或知情縱容子弟軍  
伴人等冒中二匹以下者一體調邊衛帶俸有  
贓者從重論失於不知者照常發落其三匹以  
上者及將茶斤展轉與販通番者仍俱查照弘  
治十七年都御史楊一清奏

唯事例各照地方斤數問擬發遣其承委易馬文官  
有和同縱容冒中者一體叅提究治罷黜有贓  
者從重論若止不行覺察量情發落其叅守撫  
夷等官凡遇招番易馬之時不調遠番止調近

處熟番入易任意需索抽分并坐索土人中馬  
賄賂縱聽為奸一體叅問降一級調邊衛帶俸  
差操計贓犯該徒罪以上者照例問發立功索  
取番人財物者悉照見行索取夷人財物事例  
發邊衛充軍

一申例禁本部議照弘治十七年該總理馬政都  
御史楊一清題該兵部覆今後但有將私茶潛  
住邊境與販交易及在腹裏販賣與進

貢回還夷人者不拘斤數事發并知情歇家牙保  
俱問發南方煙廠地方衛分永遠充軍其在西  
寧甘肅河州洮州販賣者雖不入番即有通番

之漸一百斤以上問發附近衛分充軍三百以  
上發邊衛永遠充軍若在腹裏各府衛州縣與  
販者照見行事例五百斤以上押發附近衛分  
充軍止終本身不及前數者俱依律擬斷腹裏  
者仍枷號一箇月邊方者枷號兩箇月有力納  
米贖罪無力解五百里之外擺站守哨但有逃  
回仍前與販者事發不拘多寡問發附近衛分  
充軍若軍官將官知情縱容弟男子姪伴當與  
販及守備把關巡捕官知情故縱者事發叅問  
降一級原衛帶俸差操有賊者從重論失於不  
知者照常發落若守備把關巡捕官自出資本

興販私茶但通番者問發邊衛充軍在西寧池  
河甘肅地方發賣者三百斤以上者發附近衛  
分充軍不及數及在腹裏發者降一級調邊衛  
帶俸差操

嘉靖三年該巡茶御史陳講因正德十六年

詔書革去弘治十三年以後新增事例題稱查得揚  
一清奏 准前例有裨馬政相應照舊遵行但  
茶徒皆係一人出本雇覓無藉之徒聚夥背負  
州縣官兵或有拏獲要皆雇覓之人官司因律  
無指攀之條止坐一人之罪以故積年首惡得  
以脫網而雇覓隨從者論罪反深今後拏獲背



負之人供出首惡一以前例論罪若背負之人  
果係雇覓量情發落等因各題奉

欽依准行

嘉靖四十二年十二月兵部題

准

一各州縣掌印官將坐落本境屯田不拘軍旗餘  
丁俱聽提調但遇夏秋起徵之時照依民糧事  
例督催完納如有屯頭旗甲人等恃頑不服軍  
官故行阻撓及違慢者俱叅呈重治其衛所管  
屯官止許督率旗甲人等佈種上納不許經收  
錢糧各府仍令清軍佐貳官躬親督理如有推

託誤事者聽督理屯田該道徑自提問叅究  
一軍衛有司掌印官出示但有荒田軍民願自開  
墾者准開耕種果係無糧田地三年後照例徵  
租田既成熟給與執照不許補後復業軍民告  
爭其極貧下戶無力開墾者許告官量給牛具  
種子待其收成還官

隆慶二年十二月戶部題奉

欽依行陝西各鎮兵糧道將軍餉錢糧專責額設管  
糧通判收放如或顧理不周暫於附近文職佐  
貳及首領內守法者委用武職不得干預如有  
經收人役侵盜一百兩以上各官不能覺察均

為參究以後侵盜之徒例應斬首奉有決單者  
監追三年以上贓無完納即正刑章

隆慶三年三月戶部題奉

欽依司府州縣將贓罰銀兩量留二分之數遵積穀  
例易穀上倉如遇考滿查明無欠方准起送若  
不及數縱有推陞行取不許離任各巡按置立  
印信憲票發府州縣有問過詞訟應納贖者明  
開其該某罪納贖若干照票追納有不用憲票  
私令入贖者並以贓論

隆慶四年五月戶部題

准各管糧官將各衛所軍士每月糧冊吊清軍衙門

勾軍底冊互對無弊方准給放撫按每於復  
命先令糧儲兵備等道將所屬掌印管糧官任內未  
完錢糧數目開送並將本道總計完糧不及者  
不得舉薦每年終的查完欠數目叅奏照例住  
俸降級

隆慶四年八月戶部題

准以後行取給由官備查任內完欠分數方許離任  
但有不全完者不得陞取其起送官一併連坐  
至各州縣官有因地方衝疲希圖改調故催緩  
不及分數應該降調者徑自降俸催徵完日題  
覆如催督二年之外仍不完者照罷軟事例準

職為民錢糧乃巡撫專責今後陞轉亦查任內  
所屬起運錢糧如不完者不得以虛名冒取陞  
擢以未作完冒陞之後彼處巡按即行查叅

隆慶四年八月十四日戶部題奉

聖旨這京邊錢糧拖欠有司不行徵解中間情弊多  
端巡撫官全不查處致誤國計好生有負委任今  
後未完數多的巡撫官也住了俸待催徵完日方  
許推用其餘依擬欽此

隆慶五年十二月戶部題奉

欽依各撫按今後遇有州縣災傷蠲免文到即委廉  
官沿坵嚴勘分別多寡速詳撫按官照例八月

以前一面題

請一面酌量應免錢糧先令截日住徵俟

明旨舉行如先徵在官令置印信簿送撫按明登花  
戶姓名完數俟蠲免之日抵補別項正差免其  
重徵

隆慶六年二月戶部題

准行陝西撫按將

秦韓肅慶四王府宗室見種民

田應派夏秋稅糧自隆慶六年為始如遇各宗

關支祿糧之時計其應納夏秋稅糧銀數與原

定折放祿糧價值之數按冊照數扣除年終類

造扣除過文冊

奏繳

隆慶六年七月兵部題

准

一撫按遇審編均徭之年選委賢能有司官會同各衛所掌印官將各衛所均徭悉照民間事例叅酌人丁貧富審編毋得偏累正軍

萬曆元年正月戶部題查得先該本部并兵部科道等衙門題

准事例武舉中式千百戶指揮等官於祖職俸糧外加武舉米三石如有革任閑住等項其原加米三石截日住支敢有隱情冒支者并掌印官各照侵欺事例問罪

萬曆元年正月戶部題

准司府掌印官凡遇起解銀兩公同解官兌明給解  
投部行庫驗秤如少爰徵立限補完至百兩以  
上者將掌印官叅奏降級管解員役從重問發  
萬曆元年正月戶部題奉

聖旨依擬行

一各巡按屯田御史凡巡歷至處即查所屬地方  
王府公侯

欽賜子粒地土原賜頃畝調取

金冊磨對果與不同即係侵占投獻速改民田入籍  
一體納糧當差間有莊田雖係



欽賜而遠支承繼不係嫡派佃戶雖係原隸而入丁  
數多酌議具奏處分

萬曆元年三月戶部題奉

欽依以後州縣見徵起運各項錢糧俱要當年盡數  
完報以前年分拖欠帶徵者每年限完二分如  
掌印管糧官催徵怠玩即以帶徵應完二分並  
見徵年分全數總計以十分為率未完二分以  
上住俸督催未完四分以上降俸二級戴罪督  
催其住俸降俸等官雖遇行取陞遷俱不准起  
送通候完至九分以上住俸者方准開俸將住  
過日期查照補支降俸者准復原俸止以完報

之日為始未完六分以上各降二級起送吏部  
調用未完八分以上俱革職為民朝

覲官比較題叅亦准此行其司府掌印管糧官總  
計所屬完欠分數一體查叅各衛所屯糧通限  
當年完足如未完二分以上管屯官住俸督催  
掌印官姑免未完四分以上管屯官降俸二級  
掌印官住俸各戴罪督催未完六分以上管屯  
官降二級革任差操掌印官降俸二級戴罪管  
事以上住俸降俸等官俱不許別項差委通候  
完至九分以上住俸者方准開俸將住過日期  
查照補支降俸者准復原俸止以完報之日為

始未完八分以上管屯官降二級仍調邊衛係  
邊衛者改調極邊衛分俱帶俸差操掌印官降  
二級單任差操都司掌印管屯官總計所屬完  
欠分數一體查叅以上文武各官如新任并署  
印帶管止以經手年月扣美不得一槩偏累永  
為定規

萬曆元年五月戶部題奉

欽依各司府州縣掌印管糧等官將歲運錢糧遵照  
祖制冊籍詳開某府某州縣例該上納夏稅秋糧馬  
草起存本折等項實在總撒數目差吏賫送限  
上年終到部會計發去分派開有災傷那補及

新增之數隨地豐歉酌處更查舊冊輕重今冊  
有無那移若係作弊即行改正將派定等則預  
先榜示通衢各給由帖使小民通知敢有豪猾  
增改則例及官司不能覺察者撫按訪實叅究  
以變亂成法處治

萬曆元年八月戶部題

准以後但有人犯侵盜值銀千兩以上監收官住俸  
提問俟追完侵銀方准開支五千兩以上監收  
官降一級調用兵備督糧官叅究住俸亦俟追  
完方准開支一萬兩以上監收官單職為民兵  
備督糧官調用三萬兩以上監收官坐贓問遣

兵備督糧官罷斥為民雖陞遷去任並得追論  
萬曆二年 月戶部題奉

聖旨陳著尤岩係積年誑騙傾換官銀奸徒着用錦  
衣衛一百二十斤大枷於戶部門首枷彌兩箇月  
滿日發遣以後但有包攬走空侵騙官銀的都依  
這例行其餘依擬欽此

萬曆二年二月戶部題叅經管錢糧未完掌印管  
糧官員本部查得拖欠至六分以上令其赴部  
降用但有疲救地方有司幸其降調實中其計  
除管糧典史該降應改閑散照舊赴部其以後  
降用主簿縣丞以上官員合照應降官級令其

地方管事不作實歷候糧完之日方復若係降級又不能完或三年之內完不及八分以上者撫按叅奏罷黜奉

聖旨是

萬曆二年八月戶部題奉

欽依各衛所管屯拍揮等官選委端謹者呈詳該管衙門允日委用每年應徵屯糧并帶徵之數務依期完報年終查數糧果全完不嫌於久任若有拖欠何恤乎屢更不當泥於五年之期其拖欠係本官侵尅者嚴禁變產補納內係花戶拖欠者開名送掌印并接管屯官代為追併完日

方許開復俸級其餘操巡等差悉照舊例不得  
以此槩論

萬曆二年八月戶部題

准各司府州縣凡起解一應錢糧不許用陰醫武職  
義民等官原係民解者選殷實官解者選府州  
縣庶幹佐貳量地里遠近照前題定立期限前  
來仍一面將錢糧數目起程批限月日先行報  
部其在北直隸順天府違限二箇月保定等七  
府違限四箇月南直隸江北各府山東河南山  
西陝西違限六箇月南直隸江南各府浙江江  
西湖廣違限九箇月福建廣東廣西四川雲貴

違限一年者候納錢糧完日係職官叅送吏部  
降一級調用係解戶照常問罪仍送本部門首  
枷彌二箇月發落若已送納三箇月不完者勒  
比完日叅送法司究問照例官擬降調大戶枷  
彌如因物料粗惡耽延審不係官解作弊者行  
彼處官司查究官解羈候暫免叅送其在外司  
府但有解出錢糧照限嚴比批單如過限即拏  
家屬監比今後不拘京外有攬納情弊無分官  
解棍徒叅送法司俱以侵欺問罪如有司仍前  
虛文起解及催徵後期故將批文倒坐年月致  
累官解者許官解赴部稟首叅究仍移刑部叅



入問刑條例本為遵中奉

聖旨是這領解錢糧人員已有節次題准明例各好  
徒恬不知畏管解年久不行上納乃以國用正供  
營利肥己甚至有虛文起解者好生奸猾無禮本  
後都依擬立限稽查有違犯的除侵欺與販等弊  
送法司從重問擬外其過違批限一年之上者官  
送吏部降一級調用解戶問罪着在戶部門首枷  
號二箇月發落其已經送納未完者勒限追比完  
日亦照這例行着為令欽此

萬曆二年十一月戶部議積穀題

准酌量繁簡定為規則雖有數少不必遽議降調且

向以里分為則百里者原定二千五百石近如  
陝西所定繁簡之數議改或一千石或七百石  
或五百石以漸遞減及查舊例欠六分者罰俸  
一年今欠八分及全無者既不降調亦止罰俸  
一年似失輕重之體合行各撫按分別繁簡應  
積多寡之數先期造冊送部年終各將所屬諸  
積數目查筭以十分為率少三分者罰俸三箇  
月少五分者罰俸半年少六分者罰俸八箇月  
少八分以上者罰俸一年咨吏部劣處全無者  
降俸二級停止行取推陞待有成效撫按酌議  
題請復俸者仍前怠玩叅究單職間有乾沒

贓罰情弊參奏等因其知府視所屬分數一體  
勸懲衛所官員與有司照例罰治奉

聖旨是

萬曆三年六月兵部題

准除都司掌印僉書官員照舊於見任內關支實職  
俸糧其備倭領班等項但係陞署都指揮職銜  
咨劄內有本司列銜支俸者一體支與實職俸  
糧其大小將領如總副叅遊等項俱原衛關支  
各省領班備禦并各鎮坐營中軍等官俱係以  
都指揮體統行事原非陞有署職及各衛指揮  
曾中武舉加陞署都指揮等官或軍功實陞都

拍揮等官俸糧俱原衛關支不得槩於都司列  
衙支俸如不遵守通以違制論

萬曆三年六月戶部題奉

欽依今後凡一應過客入境奉有真正勘合無驛州  
縣止給與應得廩糧如有科斂里甲濫送紙劄  
下程者巡按拍名叅奏計科銀併贓究罪

萬曆三年七月戶部題

准今後凡遇題

准降俸罰俸官員自司道以至府州縣等官俱以文  
書到日為始撫按查將降罰年月級數紀錄在  
簿待滿日申呈之時計其降數催解司府收貯

另項造入年終報部冊內本部立簿稽考如有  
克荒賑濟先期咨部題

請動支

萬曆三年七月戶部題申舊例案查先該本部覆  
議題

准有 王府處所凡遇催徵祿糧夏稅限七月終秋  
糧限十二月終盡數完解如有過限不完者巡  
按御史查照完糧分數則例從重叅奏提問以  
後悉如例限完解

萬曆四年三月戶部題奉

聖旨這本說的是金花銀兩原不在蠲免之數依擬

著另項查徵以後再不許拖欠致虧國用前累有  
旨內外諸司凡事一遵

祖宗成憲不許妄行更改近來通不遵守好為生事  
擾民依擬再行申飭著各撫按督率各有司官務  
將田糧差役里甲驛遞本等職務實心幹理如舊  
法有弊只宜補偏振廢通變宜民不許妄生意見  
條陳更改反滋弊端違者定以變亂成法論欽此

萬曆四年四月戶部題奉

聖旨疏通錢幣乃足民良法依擬通行天下著各撫  
按官設法經理一體開鑄與本地方舊錢相兼行  
使務在便民毋致勞擾私鑄的嚴行禁治工部

各降以式鑄成之日著呈樣來看并有無通行緣  
由查實奏報

一内外文武官凡四品以上俱一分支錢八分支  
銀八品以上俱三分支錢七分支銀九品以下  
俱四分支錢六分支銀在官各役俱五分支錢  
五分支銀或一時銀錢有多少臨時斟酌給不必  
拘數有司除起運外凡小民上納一切存留錢  
糧與春夏紙贖各令銀錢平半若一時有多少  
亦聽民便

萬曆四年七月戶部題奉

欽依今後衛所既不積穀即不得濫受詞訟違者聽

撫按訪拏究治俱免積穀年終亦不必造報

萬曆五年十一月戶部題

准

一私鑄銅錢各撫按密加緝訪年終會奏有無私鑄但拏獲賊犯明證者除公差給賞外緝捕官疏名紀錄如地方私鑄事發該管官不能覺察者以才力不及署考

一革興販各處關津嚴加盤詰遇有興販及夾帶來歷不明者俱係私錢嚴行究問錢盡數沒官其搜獲人役以原錢之半給賞

萬曆六年二月吏部題



准

一轉解起解錢糧每五十兩傾為一錠有零者傾為小錠面鑿某州縣錢糧年月官吏姓名轉解者止具申文到府即為轉文赴司交割不許秤兌若該司秤兌不足只提州縣官吏而不責之府起解者府官當面兌收若兌數不足亦只提州縣官吏而不責之收頭其差官類解只以州縣原錠交割該司起解法亦如之違者坐贓叅究

一各府州縣凡貨物利多例應開報者一一刊刻板榜定以稅數不必過取其餘小民貨物利微聽

自行貿易不許一槩濫徵

萬曆六年三月戶部題奉

聖旨各處民情事體相沿不同惟在地方官約已守法百姓自然安生樂業這所議里甲鋪行等弊都是貪官污吏便已害民的事豈是政體宜然若說量為調停乃是朝廷許其如此末流何所不至今後只著各撫按官嚴察所屬一應公私用度務要兩平給價並不許科索里甲抑勒鋪戶有違犯的不時訪拏叅奏如撫按官但喜趨承徇情曲護事發以不職論黜該科記著欽此

萬曆六年七月戶部題奉

欽依今後有司建立社倉多方儲積或諭富民隨其  
多少輸納為之請給冠帶為之豎立義扁又犯  
罪之人除充戍巨惡重情不准贖納其徒流等  
罪情輕願納贖者申請上司原情定數准令輸  
免每社擇殷實社長司其出納官給印簿稽查  
凡遇青黃不接之時隨民借貸秋時隨年豐儉  
加減其息還倉

萬曆六年七月戶部題案查先該本部覆議題

准以後掌印管屯各官如住俸降俸者照舊督催管  
事其應降級調衛者即行革去管事另選端謹  
衛官委用

南宮委佩

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

其賦劉姓... 年志...

禮例

嘉靖五年五月都察院題

准如有婦女出遊寺觀者一面將婦女拏送官司并  
拘夫男問罪仍枷號一箇月發落僧道還俗如  
僧道及軍民人等因犯姦盜除真犯死罪外其  
有刁姦及因而引誘逃走或誑騙財物俱發邊  
衛充軍住持知情及說合者一體問發婦人自  
引外人與婦女在於寺觀有犯者婦人及夫男  
仍枷號三箇月發落其地方人等容隱不舉一  
體治罪

嘉靖七年十月禮部題

准歲貢生負果有容貌衰老文理不通三次不能中  
選年六十以上者不准起貢即便類名到部奏  
給冠帶以榮其身

嘉靖十年閏六月禮部題

准照依近奉

勅諭事理僧道除正額府不過四十名州不過三十  
名縣不過二十名外其餘有度牒者化正還俗  
無度牒者查革為民當差

嘉靖十年十月禮部題

准今後凡民間孝子順孫義夫節婦等項但係有司  
勘實具奏者免其覆勘徑行風憲官覈實若風

憲官覈實具奏者免其再覈通候每季終類奏  
旌表一次

嘉靖十四年十一月禮部題

准如遇鄉試之年將歷滿在家監生官恩生并納銀  
生員許彼處提學官按歷地方與在學生員一  
槩嚴加精選如果文理平庸通錄取入試不許聽  
受屬托將文理紕繆不堪者一槩濫送

嘉靖二十四年十月禮部題該禮科給事中查乘  
彛題本部覆題奉

欽依各該巡按御史行令有王府去處查照先年

事例出給榜文張掛禁約并行各長史教授啓

王知會今後 郡王將軍中尉儀賓以下不得與  
文武官員往來交結及歲時宴會亦不許有事  
逼脇非禮凌辱違者聽

親王及撫按官叅奏處治

嘉靖二十九年閏六月內禮部覆該禮科都給事

中楊 題奉

聖旨是各宗室奏訴事情着照例啓王轉奏如有阻  
抑許令赴撫按衙門告理代奏今後越關來京將  
撥置同來之人訪拏治罪其各府例不該行事務  
潛住打點人役着緝事衙門嚴訪拏問重治

嘉靖二十九年八月內禮部覆該兵科給事中楊



題各處提督學校御史副使僉事等官今後  
於屬學生員務要嚴加查訪但有孝友不修浮  
躁傾險出入公門干謁他省改名冒籍受賄代  
訟一應無行之徒即行問黜毋使滋蔓至於考  
送科貢之際尤要精選如果才學可觀操履無  
玷方許起送苟文藝雖工素行弗檢即使考居  
優等輕必量行降革重必徑行黜罷毋使妨賢  
如或行誼足稱文辭稍劣亦須異其禮貌量為  
獎拔以示風勸其各官尤要恪守官箴砥礪名  
節守先王禮義廉耻之道以興起學者矜式之  
心以稱朝廷委任之意中間如有隳法徇私不

模不範及縱容無行生員在學濫行起送科貢  
致壞士風貽譏清議者並聽本部都察院參究  
奉

聖旨提學官士子表率今後該部慎選行誼端方之  
人克用不許徒尚文藝一槩循資濫推其餘依擬  
行

隆慶三年三月內禮部覆該

秦府永興王惟燿題臣父永興莊定王秉樞原受  
奉國將軍係永興榮惠王誠瀾堂姪繼封延及  
臣下今奉例查首冑封燿合受鎮國中尉奉

聖旨是惟燿能遵例先首還准以本爵祿終身子孫

不許冒襲該府保勘官姑免究以後冒封依限自  
首的都照這例行違者撫按官參奏

隆慶三年三月內禮部覆該總理江北巡撫龐

題奉

欽依今後出使在外撫按部屬等官并守土兵備守  
巡及總兵等官如遇慶

賀俱要遵依會典各具朝服照文東武西序列同  
大班行禮不得違越至於告

天祝

壽例該司府州縣正官致詞致之 朝廷之上則有

鴻臚寺官在丹陛代致以是班首官例不出班

今外省既無代致詞官若本官不詣月臺則從  
傍遙祝似非瞻對肅恭之誼仍當引至月臺  
中道本官親自致詞庶幾禮儀嚴整而無越紊  
之弊矣

隆慶五年十二月內禮部覆該巡按浙江監察御

史謝題奉

欽依凡府州縣官到任日細詢師生有何義夫節婦

孝子順孫可以奏聞不拘貴賤貧富先今年

分即為呈舉仍虛心叅酌果係真的就申呈巡

按覈實轉奏如遇巡按官交代不便申呈而事

當急舉者徑自具奏如嘉靖十年事例可也其

風憲官明諭地方官民人等果係其家至親寔  
有苦節卓行力微無助師生里隣不為保舉止  
宜自訴有司有司阻抑不為轉呈止宜赴巡按  
衙門告訴不得驀越赴京質

奏在內外官員亦不得輒自為其父母祖父母奏  
旌節義等項俱從該地方官轉達奏

請定奪

萬曆元年九月內禮部覆該禮科署科事右給事

中陳題奉

欽依以後凡遇大臣亡故應得謚者本部廣加咨詢  
稽覈明實必其節操勲猷輿論推重者方與請

謚其餘毋得一槩濫行請乞中間或有應謚而

未經題

請及先曾題

請而未蒙

賜謚者不論遠年近日併許各該撫按官及科道衙

門從公舉奏本部酌議題覆補給若不係公舉

其子孫自行陳乞希求補謚者一槩立案不行

萬曆二年六月內禮部覆該巡撫陝西都御史部

題奉

欽依今後各

王府如遇長吏員缺務要於審理教

授等官內從公選委賢能一員署理一面具奏

銓補毋得槩用護衛及儀衛司軍職署印者為  
定例

萬曆二年六月內禮部覆該刑科給事中秦題  
今後凡親郡王應該襲封者俱照宗藩條例行  
長史司取其宗枝等結即行具本選謹慎員役  
齎奏并將文結投部長史司給與印信批文將  
本役年貌脚色備填批內用印鈐蓋仍量地里  
遠近刻定期限令赴鴻臚寺驗明方與封進當  
驗批迴令其出京如賫奏違限及領批後潛住  
京師者即便拏送法司究問其奏本下禮科之  
日即行發抄到部送司一面查對玉牒文冊一

而行宗人府備查有無奏報等項該府即令經  
歷司逐一查明限三日內回覆該司覆查明白  
應襲封者題

請襲封應行勘者題

請行勘違例難行者題

請立案通限五日內具題仍先行揭示本部門首俾  
令通知恭候

命下之日該司即赴本部精膳司限三日內填發勘  
合不許遲悞時刻違者通行查究其親郡王妃  
及世長子

請封但係單本具題者即照前施行其男封自鎮國



將軍而下女封自郡主而下并宗男請名者例  
該類奏本部按季類題近因各藩陸續具奏以  
致賚本人役蠟集都城朋結為奸多由於此以  
後查照類題事例每三箇月各王府具奏一次  
如春季則將冬季月分內談

請名封位數逐一結勘明白定於二月中旬男名及  
男封女封類為三本一總差人賚奏仍照前驗  
批定限赴鴻臚寺驗

進奏抄到司一面查冊一面行宗人府查對該府  
即時查明但數多者限五日少者限三日內通  
行回覆該司覆查明白應題

請者即於夏季六月中具題其應行勘及立案亦備  
開緣由一併轉行精膳司填發勘合通行各王  
府知會夏秋冬三季亦如之大約各王府三月  
一題則本部三月一覆期限決不差遲各王府  
奏

請一位則本部回覆一位名位決不遺漏務使先後  
畫一彼此通知其長史司文結俱要遵照

宗藩條例與

王奏一齊送到若

王奏已到而文結未到者定係刁指本部即行查

叅重處若各

王府四季類奏之外覆將名封竇

奏者俱立案不行其各

王府本季果無該

請名封位數及雖該題

請而勘結未全不及附奏者許候下季類奏若有該  
請名封而所司刁勒不行啓奏及已有各結而  
故意延至下季者各宗差人徑赴彼處撫按衙  
門具告覈實將長史教授等官叅奏重處其選  
擇婦配一節例該

王奏及巡按奏并布政司文結齊到方可奪題但  
巡按官事繁往往不能如期覈奏而布政司文

結又多停緩甚有隔越數年方到者以致題覆  
移時婚嫁失所殊非事體以後巡按官俱要遵  
照前項類題事理每季定限仲月具奏一次并  
布政司文結務與王奏齊到以便查覈若王奏  
到而巡按奏未到者責在巡按巡按與王奏到  
而布政司文結未到者責在該司聽本部與該  
科指名叅究其三項俱到者本部照前名封期  
限按季類題其儀賓子弟係

親郡王者例該赴京冠帶本部不拘多寡每月定  
題一次不致久候其將軍以下儀賓宗婿俱按  
季類題一如前例其各

王府祭葬條

親郡王及親王妃者照名封單題期限俱半月內  
題覆施行

郡王妃及將軍等夫人等喪禮俱照前按季類題  
刻限填發其餘如管理府事叅處犯宗請醫視  
藥等項事難稽緩者許單本奏

請即與題覆若不係緊急事務如

請封生母旌表孝行等項可以按季類題者俱與每  
季題

請名封之時一併具奏不許專差人役混行瀆擾致  
生事端違者將輔導官叅奏罰治再照各

王府賫奏人役多帶空頭寶本到京托人繕寫動  
以慮恐違式為名夤緣為奸漸不可長今後各  
王府遇有名封等項奏本俱令長史官詳加查對  
務要遵照條例格式備開明白有差謬遺漏者  
即便改正其用寶之時會同典寶官眼同用使  
仍各於奏本紙尾背面細書對本官長史某用  
寶官典寶某俱親押其下奏抄到部查有差錯  
者指名叅行巡按衙門重究等因題奉

聖旨宗室名封等項節有題唯事例近來官府積年  
胥吏交通各王府走差棍徒朋比為奸弊孔百  
出致使朝廷睦親獎典反為奸人竒貨殊可痛

恨這所奏既議畫一便行與各衙門務要着實  
遵守奉行你每上官亦須督率各司屬整肅法  
紀痛消宿弊吏書人等有交通內外衙門仍蹈  
前非實緣作弊的拿送法司處以重典不許縱  
容姑息外省奸徒潛住京師指稱打點誑騙的  
着緝事衙門不時訪拏究治欽此

萬曆二年九月內該

樂長王克燿題長子廷燿年三十嫡配無出查得  
宗藩條例止有

郡王將軍中尉娶妾之條並無長子娶妾之例該  
禮部覆奉

欽依如果長子年足三十嫡配未生有子即為具奏  
許娶一妾以後不拘嫡庶如有子則止於一妾  
不許再娶俟至三十五歲復無出方許具啓本  
王令教授申呈巡按御史娶足三妾仍着為例

萬曆四年四月內禮部題奉

欽依今後越關奏擾

宗室分為三等已有封爵者為一等照例徑劄順  
天府遞回閑宅安置給與庶人口糧其有已經  
請名未經請封及過期未經請名者為一等俱  
遞回該府收管不給口糧仍啓

王嚴加鈐束毋得容其再越其有花生傳生及生



言不明者為一等俱遞回該府查明轉送布政司着籍當差著為定例仍申飭驛遞衙門凡有越關

宗室經過不許給與口糧及應付車輛如有跟隨祝徒即係撥置之人所在官司即便拏問照例發遣

萬曆四年十二月內禮部覆該監試應天南京湖廣等道監察御史陳題奉

欽依今後起送試官除係各省者照舊白承差伴送外兩京同考教官俱要申呈巡按衙門選委清正府縣首領一員伴送前去無得濫用吏員出身

慣熟機械之人其所經過去處該地方有司務  
責令巡捕官接替護送毋致別有疎虞本處提  
調官至期仍坐委的當府縣佐貳於本境外伺  
接違者許監試御史指名叅究其沿途但有房  
舍私通關節及伴送官騙詐等項事發除本官  
坐贓問遣該地方護送巡捕官員不論有無知  
情一併從重究鞫

(B)

083

0079-1

v.104

0528523

慎嚴操械之人其所經過去處該地方有司務  
責令巡捕官接替護送毋致別有疎虞本處提  
調官至期仍坐委的當府縣佐貳若本境外伺  
接違者許監試御史指名來究其沿途但有房  
舍私通關印及伴送官騙詐等項事發除本官  
坐贓問遣該地方護送巡捕官真不論有無知  
情一併從重究革

**(B)**  
**083**  
**0079-1**  
**v.104**